

SOINU-ATADIA ERAKUNDE AUTONOMOA / LEIOAKO UDALA

LAN POLTSA SORTZEA, MUSIKA HIZKUNTZAREN ESPEZIALITATEKO
IRAKASLEAREN KATEGORIAN LANGILEEN ALDI BATERAKO
BEHARREI ERANTZUTEKO

LEHENENGOA- DEIALDIAREN HELBURUA:

Deialdi honen helburua da kontratazio-poltsa sortzea, Musika Hizkuntzako irakaslearen kategorian, Leioako Udaleko Soinu Atadia Erakunde Autonomoan indarrean dagoen lanpostuen zerrendako 2 kodeko postuan, langileen aldi baterako beharrei erantzuteko; lanpostua lan-kontratadun langileei erreserbatuta dago, A1 sailkapen asimilatuko taldeari eta Udalhitz Enplegu Baldintzen Akordio Arautzailearen 14. mailako ordainsari baliokideei. Postu horrek, gaur egun, 3 zuzkidura ditu atxikita, eta guztiek dute derrigorrezko 3. hizkuntza-eskakizuna esleituta eta derrigortasun-data ezarrita.

BIGARRENA.- HAUTAGAIEN ESKAKIZUNAK:

Hautagaiak honako eskakizun hauek bete beharko dituzte:

- a) Europar Batasuneko kide den estaturen bateko nazionalitatea izatea edo, Europar Batasunak eginiko eta Espainiako Estatuak berretsitako nazioarteko tratatuak aplikatuz, langileen joan-etorri askea aplikagarri duen estaturen bateko nazionala izatea. Halaber, Europar Batasuneko estatu kideetako nazionalen bizikideak parte hartu ahalko du, betiere zuzenbidez bananduta ez badago, bai eta bere ondorengoek eta bere bizikidearenek ere, betiere, era berean, bizikide biak zuzenbidez bananduta ez badaude, ondorengo horiek hogeita bat (21) urtetik beherako edo hortik gorako mendekoak izan.
- b) Egitekoak betetzeko gaitasun funtzionala izatea.
- c) Gutxienez hamasei urte izatea eta, hala badagokio, derrigorrezko erretirorako gehieneko adina ez gainditzea.
- d) Goi-mailako musika-titulua izatea, pedagogiaren espezialitatean, graduatua, lizentziatua, arkitektoa edo ingeniaria izatea, edo legez horien baliokidetzat hartzen den beste edozein titulu izatea. Titulua atzerrian lortu badu, titulu hori homologatuta dagoela ziurtatzen duen egiaztagiria aurkeztu beharko du hautagaiak. Martxoaren 15eko 303/2010 EDaren 20.5 artikulua araber, kontuan hartuko dira, halaber, derrigorrezko titulua ez duten hautagaitzak, betiere beharrezko den kualifikazio profesionala erakusten dutenean eta beren ekimena arlo horretan garatzen dutenean, edo atzerriko nazionalitatea dutenean, bere kualifikazioarekin eta hezkuntza-sistemarekin bat etorri betiere.
- e) 3. HEari dagokion euskara-titulua izatea edo titulu baliokidea; postuko zuzkidura guztiek dute profil hori esleituta.
- f) Diziplinazko espediente baten ondorioz edozein Estatuko zerbitzutik, autonomia-mailako edo toki-mailako administrazioetik kanporatua ez egotea, edo desgaikuntzarik ez izatea kargu publikoetan eginkizunak betetzeko.

- g) Indarrean dagoen araudian aurreikusten diren ezgaitasun edo bateraezintasun kasu batean ere ez egotea.
- h) Euskararen derrigorrezko hizkuntza-eskakizuna esleituta duten lanpostuen kasuetan, hura langileen aldi baterako beharrei erantzuteko dei egiten den egunean egiaztatu beharko da.
- i) Sexu-izaerako delituen aurrekaririk ez dagoelako egiaztageria.

HIRUGARRENA.- ESKABIDEAK AURKEZTEA:

Instantziak www.leioa.net eta www.conservatorioleioa.com web-orrialdeetan deialdiaren oinarriekin batera eskuragarri jarriko diren eredu ofizialera eta normalizatura egokituko dira.

Eskabideak astelehenetik ostegunera aurkeztuko dira, 10:00etatik 13:00etara eta 15:30etik 18:30era, eta ostiraletan 10:00etatik 13:00etara, Leioako Musika Kontserbatorioko lokaletan (helbidea: Iparragirre etorbidea, 76-A. 48940 Leioa).

Halaber, Herri Administrazioen Administrazio Prozedura Erkidearen urriaren 1eko 39/2015 Legearen 16.4. artikuluan aurreikusitako edozein modutan ere aurkeztu ahalko dira.

Eskabidearekin batera, honako dokumentu hauek aurkeztu beharko dira:

- a) Deialdian eskatzen diren tituluen fotokopia konpultsatua edo kopia kautotua.
- b) Euskararen 3. hizkuntza-eskakizunaren edo baliokidearen fotokopia konpultsatua edo kopia kautotua.
- c) Merezimenduen fotokopia konpultsatua edo kopia kautotua. Eskabideak aurkezteko epea amaitzen den egunaren aurretik lortutako merezimenduak baino ezingo dira ebaluatu, betiere horiek instantzian aipatu badira eta deialdian ezarritako epearen barruan egiaztatu badira.
- d) Nortasun Agiri Nazionala edo, atzerritarra izanez gero, nortasuna egiaztatzeke dagokion agiria eta, hala badagokio, 2. oinarrian ezarritakoarekin bat etorriz, Espainiako Estatuan zerbitzuak emateko lan-baimena.
- e) Diziplinazko espediente baten ondorioz edozein Estatuko zerbitzutik, autonomia-mailako edo toki-mailako administrazioetik kanporatua ez dagoela, edo kargu publikoetan eginkizunak betetzeko desgaitasunetik ez duela eta ezgaitasuneko edo bateraezintasuneko legezko kausaren batean ez dagoela egiaztatzeke zinpeko adierazpena.

Instantziak, behar bezala beteta, aurretik aipatutako dokumentazioarekin batera, 20 egun balioduneko epean aurkeztu beharko dira, deialdia jendaurrean jartzen den azken komunikabidean iragarrita ageri den egunaren biharamunetik aurrera zenbatzen hasita.

LAUGARRENA.- HAUTAKETARAKO EPAIMAHAIA.

Hautaketa-prozesua egiten duen epaimahaia honako hauek osatuko dute:

- Presidentea:

Leioako Udal Kontserbatorioko zuzendaria. Hari Saileko irakasle arduraduna, ordezkoa.

- Kideak:

- Leioako Udal Kontserbatorioko irakasle bat
- Irakaskuntza-sail bateko irakasle arduradun bat
- Udaleko Giza Baliabideetako Saileko teknikari abokatu arduraduna

- Idazkaria:

- Erakunde Autonomoaren idazkaria edo eskuordetzen duen hango langilea.

Epaimahaian parte hartzeak kalte-ordaina edo konpentsazioa sortuko du, Eusko Jaurlaritzaren otsailaren 2ko zerbitzuengatiko kalte-ordinei buruzko 16/1993 Dekretuan ezartzen diren baldintza eta betebeharrekin, 121/2006 Dekretua, ekainaren 13koa, zerbitzuen ondoriozko kalte-ordainei buruzko Dekretua hirugarren aldiz aldatzeko denaren arabera.

BOSGARRENA.- ONARTUEN ZERRENDA

Hamar eguneko epean, gehienez, instantziak aurkezteko epea amaitzen denetik aurrera zenbaten hasita, Erakunde Autonomoaren Presidentetzak jendaurrean jarriko du onartuen eta baztertuen behin-behineko zerrenda; horretarako, erakunde autonomoaren iragarki-taulan eta www.leioa.net eta www.conservatorioleioa.com web-orrialdeetan argitaratuko du ebazpena, eta bost eguneko epea emango da, antzeman diren hutsak zuzentzeko edo bazter utzi izanaren aurkako erreklamazioak aurkezteko.

Aurreko epe hori igaro ondoren, iragarki-taulan eta web-orrialde horietan argitaratuko da, gehienez 5 egunean, onartuen eta baztertuen behin betiko zerrenda duen ebazpena.

SEIGARRENA.- MEREZIMENDUAK

Merezimenduak direla eta, honela puntuatuko dira:

1. Goi-mailako musikako tituluak izatea (deialdi honetan parte hartzeko gaitasuna ematen duena kontuan hartu gabe), gehienez 10 puntu, 5 puntu titulu bakoitzeko.
2. Hautatu den espezialitateko irakasle-lanetan emandako zerbitzuak, A1 sailkapen-talde asimilatu beraren barruan: Atal honen gehieneko puntuazioa, 30 puntu:

- Goi-mailako Kontserbatorioan edo profesionalean emandako zerbitzuak, 0,30 puntu lanaldi osoko hilabete bakoitzeko, edo lanaldi partzialean edo hilabete baino gutxiago jardunez gero, dagokion zati proportzionala.
 - Hezkuntza Administrazioak araututako Musika Eskoletan emandako zerbitzuak, 0,15 puntu lanaldi osoko hilabete bakoitzeko, edo lanaldi partzialean edo hilabete baino gutxiago jardunez gero, dagokion zati proportzionala.
3. Hautatu den espezialitateari buruzko ikastaro, mintegi, jardunaldi eta abarretako asistentzia, gehienez 5 puntu, prestakuntzako 30 ordu bakoitzeko 1 puntu.
 4. Irakasgaitasun Ziurtagiria edo hautatu den postuaren egitekoekin zerikusia duen Master ofiziala izatea, gehienez 5 puntu: 3 puntu 60 kreditugatik (ECTS), IGZ edo baliokideagatik; 4 puntu 90 kreditugatik (ECTS) edo baliokideagatik; eta 5 puntu, 120 kreditugatik (ECTS) edo baliokideagatik.

ZAZPIGARRENA.- Euskara

Aldi baterako beteko den lanpostuaren zuzkidura guztiek dute derrigorrezko euskararen hizkuntza-eskakizuna esleituta; beraz, derrigorrean izan beharko da, instantziak aurkezteko epea amaitzen den egunerako, hura egiaztatuta.

Horretarako, hautagaiak hizkuntza-eskakizuna egiaztatzeko, honako egiaztagiria aurkeztu beharko dute: Herri Arduralaritzaren Euskal Erakundeak emandako egiaztagiria aurkeztuko dute edo Euskararen ezagutza egiaztatzen duten titulu eta ziurtagirien arteko baliokidetzak finkatu eta Hizkuntzen Europako Erreferentzi Marko Bateratura egokitze Eusko Jaurlaritzaren apirilaren 8ko 64/2008 Dekretuak ezartzen duen baliokidetasunaren araberrako zentroek emandako egiaztagiria.

ZORTZIGARRENA.- HAUTAGAIEN ZERRENDA

Hautagaien kalifikazioa eginda, epaimahaiak hautagaien zerrenda emango dio, puntuazio-hurrenkeraren araberrakoa, Erakunde Autonomoko Artezkaritza Kontseiluari, onets dezan. Deiak egiteko, langileen aldi baterako beharrei erantzuteko, puntuazio-hurrenkeraren araberrako hautagaien ordenari jarraituko zaio.

BEDERATZIGARRENA.- GERTAKARIAK:

Epaimahaiak ahalmena du hautaketa-prozeduran ageri diren zalantza, gai edo gertakariei erantzuteko, eta bere eskumenekoa da oinarri hauetan ezarritakoa interpretatzea, bai eta horietan araututa egon ez eta planteatzen den edozein gairen aurrean egin beharrekoa egitea eta, oro har, hautaketa-prozedura egokia izateko irizten duena egitea ere.